


**ՀՀ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ ԵՎ ՍՊՈՐՏԻ  
ՆԱԽԱՐԱՐՈՒԹՅԱՆ**

**«ԿՈՏԱՅՔԻ ՏԱՐԱԾԱՇՐՋԱՆԱՅԻՆ ՊԵՏԱԿԱՆ ՔՈԼԵՋ» ՊՈԱԿ**

Հաստատում եմ՝  Ռ. Մարտիրոսյան

Կոտայքի տարածաշրջանային

պետական քոլեջի կառավարման

խորհրդի նախագահ

«20» 08 2020 թվական

# **ԿԱՆՈՆԱԿԱՐԳ**

**(ՓՈՓՈԽՈՒԹՅՈՒՆ)**

**ՈՒՍԱՆՈՂՆԵՐԻ ԳԻՏԵԼԻՔՆԵՐԻ**

**ՍՏՈՒԳՄԱՆ, ԳՆԱՀԱՏՄԱՆ ԵՎ**

**ԲՈՂՈՔԱՐԿՄԱՆ**

**ՀՐԱՋԴԱՆ 2020**

## 1. ՍՈՎՈՐՈՂԻ ՈՒՍՈՒՄՆԱԿԱՆ ԱՌԱՋԱԴԻՄՈՒԹՅԱՆ ԳՆԱՀԱՏՈՒՄԸ

Գնահատումն անհատի գիտելիքների ընկալումը, կարողությունների և հմտությունների ձեռքբերումը հավաստող գործընթաց է:

Գնահատման նպատակն է հաստատել գնահատման չափանիշները՝ օբյեկտիվության, մարչելիության, արդյունավետության, չափելիության, թափանցիկության սկզբունքների հիման վրա:

1. Գիտելիքների գնահատման կանոնակարգի նպատակն է բացահայտել մոդուլների (առարկաների) դասավանդման ընթացքում ուսումնառողի ստացած գիտելիքների, կարողությունների և հմտությունների վերջնարդյունքների որակական ձևավորումը:

2. Գնահատման միջոցով հավաստել, որ անհատը ձեռք է բերել որոշակի գիտելիք, հմտություն և կարողություն, ինչի համար նրան կարող է շնորհվել վկայական կամ դիպլոմ:

3. Սույն կանոնակարգում փոփոխություններն ու լրացումները հաստատվում են նույն կարգով:

## 2. ԳՆԱՀԱՏՄԱՆ ՀԱՄԱԿԱՐԳ

ԿՏՊԲ-ում գնահատումն իրականացվում է ուսումնառության ընթացքում (ընթացիկ), կիսամյակի և ուսումնական տարվա ավարտին (ամփոփիչ) և ուսումնառության ավարտին (ամփոփիչ ավարտական ատեստավորում):

Ընթացիկ և ամփոփիչ գնահատումներն իրականացվում են դասախոսի կամ ուսումնական հաստատության կողմից՝ ըստ ուսումնական մոդուլների (առարկաների), և գրանցվում են դասամատյանում, այնուհետև քննական ամփոփագրում:

Ստուգարքային և քննական ամփոփագրերը կազմվում են ուսումնական մասում, վավերացվում են տնօրենի և ուսումնական աշխատանքների գծով փոխտնօրենի կողմից և կնքվում հաստատության կնիքով: Ստուգարքային և քննական ամփոփագրերը տրամադրվում են դասախոսական կազմին ստուգարքի կամ քննության սկսվելուց անմիջապես առաջ և վերադարձվում են ուսումնական մաս ստուգարքի կամ քննության ավարտից անմիջապես հետո:

Գնահատումն իրականացվում է քանակական (միավորային) և որակական (ուսուցանող) ձևերով:

Մոդուլների գնահատման արդյունքում ընդունվում է վերջնական որոշում. «անցել է» կամ «չի անցել», թեև գնահատման գործընթացների շրջանակներում ուսանողների կատարած աշխատանքը կարող է ստանալ որոշակի միավորներ՝ ըստ նախապես սահմանված սանդղակի:

Ստուգարքին կամ քննությանը ուսանողը պարտավոր է ներկայանալ ստուգման գրքույկով, և փվյալ դասընթացի դասախոսը պարտասխանաբար պարզություն է կրում ստուգման գրքույկի և ստուգարքի կամ քննական ամփոփագրի գրանցման համապատասխանության համար:

**Կիրառվում են գնահատման հետևյալ ձևերը.**

ԿՏՊԲ-ում կիրառվում են գնահատման տարբեր ձևեր, որոնք բերվում են 10 միավորանոց համակարգի:

Միավոր	Անվանում
10	«բացառիկ»
9	«գերազանց»
8	«շատ լավ»
7	«լավ»
6	«միջինից բարձր»
5	«միջին»
4	«բավարար»
3	«անբավարար»
2	«վատ»
1	«շատ վատ»

Գնահատման հիմքում դրվում են սովորողի անհատապես և խմբով կատարած աշխատանքների արդյունքները (այդ թվում՝ ինքնաստուգումներ, ընթացիկ և կիսամյակային ամփոփիչ ստուգումներ, հետազոտական-սրբեղծագործական աշխատանքը, ուսումնահասարակական նախագծեր, ուսումնական ճամփորդություններ, հայրենագիտական արշավներ, սրբեղծագործական ստուգատեսներին, օլիմպիադաներին, այդ թվում՝ մեդիա, ցուցահանդեսներին, փառատոներին մասնակցություն): Սովորողի սրբեղծած այլ տեսակի արդյունքները սահմանված կարգով ներկայացվում են ցուցադրություններում, ցուցահանդեսներում, սրբեղծագործական հավաքներում:

Ընթացիկ ստուգման ժամանակ դասախոսը դիտարկում է գործնական պարապմունքներին ուսանողի պարտաստուգման մակարդակը, ուսանողի կատարած

ինքնուրույն աշխատանքը, ուսումնական նյութի յուրացման աստիճանը, լսարանային աշխատանքներին մասնակցության մակարդակը:

Ստուգումների անցկացման նպատամար հսկողությունն իրականացնում է ուսումնական մասը և համապատասխան ամբիոնը:

Եթե ուսումնական պլանով նախատեսված է հանրագումարային ստուգում իրականացնել քննության միջոցով, ապա վերջինիս համար մշակվում է հարցաշար, որն ընդգրկում է ամբողջ դասընթացը, հարցափոմներ՝ համաձայն հարցաշարում ընդգրկված քննական հարցերի և ուսանողների թվաքանակի, վավերացվում են համապատասխան ամբիոնի վարիչի, ուսումնական աշխատանքների գծով փոխտնօրենի կողմից և պահվում են ամբիոններում:

Գիտելիքների գնահատումը (ստուգումը) ներառում է հետևյալ բաղադրիչները.

ա) մոդուլի (առարկաների) արդյունքների կատարման և յուրացման ընթացիկ ստուգում և գնահատում կիսամյակի ընթացքում

բ) ամբողջ մոդուլի (առարկայի) եզրափակիչ գնահատում, ինչը ենթադրում է մոդուլի (առարկայի) համար սահմանված վերջնարդյունքների ձեռքբերման մակարդակի գնահատում:

Եթե ուսանողները կարողանում են բավարարել որակավորման չափորոշչով սահմանված պահանջներին, նրանք ստանում են համապատասխան որակավորում: Եթե նրանք չեն բավարարում վերոնշյալ պահանջները կամ մասամբ են բավարարում դրանք, նրանք պետք է զարգացնեն իրենց հմտություններն ու կարողությունները, որից հետո դիմեն կրկնակի գնահատման:

Եզրափակիչ գնահատումն իրականացվում է դասընթացի (մոդուլի, ինչպես նաև կրթական ծրագրի) ավարտին՝ ամփոփիչ քննությունների և ավարտական աշխատանքների ստուգման ու գնահատման միջոցով:

Ընթացիկ և ամփոփիչ գնահատման արդյունքների մասին ուսումնական հաստատությունը պարբերաբար տեղեկացնում է սովորողի ծնողին:

### **Ընթացիկ և եզրափակիչ գնահատման կազմակերպումը**

Ընթացիկ և եզրափակիչ քննությունների ժամանակացույցերը կազմվում են ուսումնական մասի կողմից և հաստատվում տնօրենի կողմից:

Ընթացիկ և եզրափակիչ քննությունների /ստուգարք/ ենթակա ուսումնական նյութի բովանդակությունը, քննությունների ձևերը, հարցաշարերը տրամադրվում են ուսանողներին, ինչպես նաև տեղեկացվում է գնահատման մեթոդների և չափանիշների մասին (կիսամյակի առաջին 2 շաբաթվա ընթացքում):

Բոլոր գրավոր քննությունները (ստուգողական աշխատանքները) կատարվում են շտամպած տեսքով, իսկ մոդուլների արդյունքների ամփոփումները՝ դասախոսի կողմից տրված գնահատման թերթիկներում կամ որոշ մոդուլների արդյունքների գնահատման դեպքում՝ տեսքով:

### **3. ՈՒՍԱՆՈՂՆԵՐԻ ԳԻՏԵԼԻՔՆԵՐԻ ԳՆԱՀԱՏՄԱՆ ՉԱՓԱՆԻՇՆԵՐԸ**

ԿՏՊԲ-ում ուսանողների գիտելիքների ստուգումն իրականացվում է կամ դասավանդող դասախոսի կամ հանձնաժողովի կողմից: Գիտելիքների ստուգման համար նախատեսված են որոշակի չափանիշներ:

- Ոչ քննական /ստուգարքային/ առարկաներից գիտելիքները գնահատվում են ընթացիկ գնահատականների հիման վրա հոգուտ ուսանողի «ստուգված/չստուգված» համակարգով:
- Քննական առարկաների համար նախատեսվում է քննություն, որն անցկացվում է գրավոր կամ բանավոր:
- Մոդուլների արդյունքների կատարման համար հիմք է հանդիսանում մոդուլային ծրագրերում ներառված գնահատման կարգը:
- Արդյունքների միջանկյալ ստուգմանը չմասնակցած ուսանողներին արդյունքը հանձնելու համար տրվում է ժամանակ:
- Մեկ առարկայից չառաջադիմող կամ հարգելի բացակայություն ունեցող ուսանողների համար կազմակերպվում է բաց դռների օր քննաշրջանից անմիջապես հետո՝ ըստ ժամանակացույցի:
- Երկու և ավելի անբավարար գնահատական ունեցող ուսանողների համար կազմակերպվում է պարտքերի մարման քննաշրջան՝ յուրաքանչյուր կիսամյակի առաջին 2 շաբաթվա ընթացքում:
- Առարկայական պարտքեր ունեցող ուսանողները թույլատրվում են մասնակցելու քննաշրջանին (բացառությամբ ֆիզիկական կուլտուրան):

- Ֆիզիկական կուլտուրա առարկան չհանձնած ուսանողը պարտավոր է մարել այդ պարտքը մինչև հաջորդ կիսամյակի քննաշրջանի սկիզբը, որից հետո միայն նրան թույլատրվում է մասնակցելու այդ քննաշրջանին:

- Եթե ուսանողը չի մասնակցել պրակտիկային և չի առաջադիմել, ստանում է անբավարար գնահատական, որը վերահանձնման ենթակա չէ:

- Յուրաքանչյուր առարկան թույլատրվում է հանձնել ոչ ավել, քան երեք անգամ (քննաշրջանի և պարտքերի մարման փուլ):

- Կիսամյակում գերազանցիկ է համարվում այն ուսանողը, ով տվյալ կիսամյակում բոլոր մոդուլներից (առարկաներից) հավաքել է գերազանց գնահատական:

- Գերազանցության դիպլոմը շնորհվում է այն ուսանողներին, որոնց բոլոր մոդուլների (առարկաների) ամփոփիչ գնահատականները համապատասխանում են «լավ» և «գերազանց» գնահատականներին, ընդ որում՝ «լավ» գնահատականների քանակը չի գերազանցում 25 տոկոսը և պրակտիկաներից, պետական ավարտական քննություններից և ավարտական դիպլոմային աշխատանքի պաշտպանությունից հավաքել են գերազանց գնահատական:

- Եթե ուսանողին պակասում է մեկ գնահատական գերազանցության դիպլոմի հավակնորդ լինելու համար, ապա նրան թույլատրվում է նախավերջին կիսամյակի պարտքերի վերահանձնման ժամանակաշրջանում վերահանձնել ուսումնական պլանով նախատեսված մեկ առարկա:

#### **4. ՊԵՏԱԿԱՆ ԱՄՓՈՓԻՉ ԱՏԵՍՏԱՎՈՐՄԱՆ ԳՆԱՀԱՏՄԱՆ ԿԱՐԳԸ**

ԿՏՊԲ-ում ամփոփիչ արեստավորումն անցկացվում է համաձայն «ՀՀ նախնական (արհեստագործական) և միջին մասնագիտական ուսումնական հաստատություններում պետական ամփոփիչ ստուգման կազմակերպման ու անցկացման կարգը հաստատելու մասին» ՀՀ կրթության և գիտության նախարարի 2006 թ. հուլիսի 21-ի N 638-Ն հրամանի:

Պետական ամփոփիչ արեստավորման նպատակն է գնահատել սովորողի համապատասխանության աստիճանը տվյալ մասնագիտության՝ չափորոշչով սահմանված պահանջներին:

Պետական ամփոփիչ արեստավորումն իրականացվում է ուսումնական մոդուլների համալիր քննության կամ դիպլոմային նախագծերի արդյունքում: Պետական ամփոփիչ արեստավորման արդյունքները գրանցվում են ավարտական փաստաթղթում:

Պետական ամփոփիչ արեստավորման գնահատականները ենթակա են բողոքարկման դրանք հայտարարելուց անմիջապես հետո, որի համար կազմվում է առանձին արձանագրություն:

## **5. ՈՒՍԱՆՈՂԻ ԱԿԱԴԵՄԻԱԿԱՆ ՏԵՂԵԿԱԳԻՐ**

Ակադեմիական տեղեկագիրն օգտագործվում է ուսանողի ուսումնական գործունեությունը և առաջադիմությունն ուսման որոշակի կամ ողջ շրջանի ընթացքում վավերագրելու համար՝ ուսումնասիրած դասընթացների և կրթական մոդուլների, ստացած գնահատականների գրանցման միջոցով: Այն արտացոլում է ուսանողի կատարած ուսումնական աշխատանքի ծավալը և կրթական ձեռքբերումների որակը:

ԿՏՊԲ-ն յուրաքանչյուր ուսանողի համար նրա ընդունման պահից սկսած վարում է ակադեմիական տեղեկագիր, որտեղ յուրաքանչյուր քննաշրջանից հետո գրանցվում են ուսանողի ստացած գնահատականներ՝ ըստ առարկաների, մոդուլների և կիսամյակների:

Ուսանողի ուսման առաջադիմության ընդհանրացված արդյունքները ներկայացնելու համար ակադեմիական տեղեկագրում կիսամյակային արդյունքներից հետո նշվում են տվյալ կիսամյակի և մինչև ուսման տվյալ ժամանակահատվածը ուսանողի առաջադիմությունը ամբողջացնող ամփոփիչ տվյալները, որոնք ներառում են՝

- Թվանշային գնահատականները:
- Ստուգարքները՝ «ստուգված է» համակարգով:

## **6. ՈՒՍԱՆՈՂՆԵՐԻ ԳԻՏԵԼԻՔՆԵՐԻ, ԿԱՐՈՂՈՒԹՅՈՒՆՆԵՐԻ ԵՎ ՀՄՏՈՒԹՅՈՒՆՆԵՐԻ ԳՆԱՀԱՏՄԱՆ ԲՈՂՈՔԱՐԿՄԱՆ ԿԱՐԳԸ**

Բողոքարկման կարգը ուղղված է ուսանողի կողմից ցուցաբերած գիտելիքի գնահատման (գնահատականի) վերանայմանը:

Ուսանողը պետք է գիտակցի ստացած գիտելիքի գնահատման անհրաժեշտությունը, որն ուղղված է նրա կողմից ձեռք բերած ունակությունները բացահայտելուն:

Դասավանդողը պարտավոր է ուսանողին տեղեկացնել և ծանոթացնել դասընթացին ուղղված գնահատման համակարգին և դրա բաղադրիչներին, օբյեկտիվ գնահատել ուսանողին՝ ըստ նրա կողմից ցուցաբերած գիտելիքների, կարողությունների ու հմտությունների և ապահովել ուսանողին անհրաժեշտ տեղեկատվությամբ:

Քննող դասախոսը կամ քննական հանձնաժողովը պարտավոր է ուսանողների գիտելիքների գնահատումը կազմակերպել և իրականացնել օբյեկտիվ և թափանցիկ ձևով:

Ուսանողների գիտելիքների ստուգման և գնահատման համար հաստատությունում սահմանվում են քննությունների գրավոր և բանավոր ձևեր:

Ուսանողը պետք է հստակ տեղեկացված լինի գնահատմանը ուղղված իր իրավունքներին և պարտականություններին:

Ուսանողը գնահատվում է ըստ մոդուլի (առարկայի) համար սահմանված գործոնների, որոնցից են՝ ակտիվություն դասերին, կատարած անհատական և ինքնուրույն աշխատանքների կատարողականը, միջանկյալ հարցումները, յուրաքանչյուր արդյունքի գնահատումը, ստուգարքները և քննությունները:

Ուսանողի կողմից գրագողության փորձ անելու դեպքում չեղյալ են համարվում քննական տեսքերում կատարած գրառումները:

Վերջնական գնահատականի հիմքն են հանդիսանում բոլոր բաղադրիչներով հավաքված միավորները:

Ուսանողը, իր գնահատականից բավարարված չլինելու դեպքում, իրավունք ունի այն բողոքարկելու:

Ուսանողը բողոքարկման իրավունք ունի՝

1. Եթե գնահատումը ոչ օբյեկտիվ է, եթե դասավանդողի կողմից կատարվել է գնահատման անհատականություն, գնահատողը չունի բավարար փորձ և հմտություն ուսանողին գնահատելու համար:
2. Գնահատականում չբավարարված ուսանողը կարող է դիմել ուսումնական մաս՝ նրա գիտելիքները հավելյալ գնահատելու խնդրանքով:
3. Գրավոր քննության դեպքում՝ յուրաքանչյուր ուսանող բողոքարկումը պետք է անձամբ ներկայացնի գրավոր տեսքով ոչ ուշ, քան գնահատականը հայտարարելուց մեկ օր հետո:



4. Բանավոր քննության դեպքում՝ յուրաքանչյուր ուսանող, առանց լսարանից հեռանալու հրավումք ունի խնդրել քննասենյակ հրավիրել ուսումնական մասի աշխատակցին պատասխանատուին) և փվյալ ամբիոնի վարիչին՝ գնահատման վերաբրողըքարկում ներկայացնելու համար:
5. Բողըքարկման դեպքում փնօրենի կողմից սփեղծվում է բողըքարկման հանձնաժողովը Այն նորից սփուգում է ուսանողի աշխատանքը և լսում ուսանողի կողմից առարկվերաբերող թեմաների ներկայացումը:
6. Բողըքարկումը և գնահատումը հանձնաժողովի կողմից պեփք է լինեն օրյեկփթ թափանցիկ: Արդյունքում գնահատականը կարող է ինչպես բարձրացվել, այնպե՛ իջեցվել կամ թողնել առանց փոփոխության:
7. Հանձնաժողովի կողմից նշանակված գնահատականը վերջնական է: Այն նշանակվում է առանձին ուղեգրի մեջ և կցվում ընդհանուր քննական թերթին, հավելյալ նշուկատարվում սփուգման գրքույկում: Կազմվում է բողըքարկման հանձնաժողովարձանագրություն:
8. Բողըքարկումը չեղյալ է համարվում եթե՛
  - Այն հակասում է «ԿՏՊԲ-ի ուսանողների գիփելիքների սփուգման, գնահատում և բողըքարկման կանոնակարգին».
  - Ուսանողի կողմից ներկայացվում է չհիմնավորված պատճառաբանություն առողջական վիճակի վերաբերյալ:

Կոփայքի փարաժաշրջանային պեփական թղեջի փնօրենի պարտականությունները կատարող՝ Վ. Թովմասյան

